

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2015-yil 28-yanvar, chorshanba № 8 (15854)

Yuksalish


ТАДҚИКОТЛАР ХАЛҚАРО АНДОЗАЛАРДА

Ўзбекистон Республикаси Президентининг истиқболли ёш педагог ва илмий кадрлар малакасини ошириш «Истеъдод» жамғармасида «Илмий тадқиқот ишларини халқаро андозалар даражасида ташкил этиш ва натижаларини расмийлаштириш методикаси» мавзуда семинар-тренинг бўлиб ўтмоқда.

(Давоми 2-саҳифада)

АКТ ТАРАҚҚИЁТ БОСҚИЧИДА

Ўзбекистон Республикаси алоқа, ахборотлаштириш ва телекоммуникация технологиялари давлат қўмитаси Ҳайъатининг 2014 йилда амалга оширилган ишлар сарҳисоби, истиқболдаги вазифаларга бағишланган мажлиси бўлиб ўтди.



Унда қўмитанинг раҳбар ва масъул ходимлари, ҳудудий бошқарма бошлиқлари, алоқа, ахборотлаштириш ва телекоммуникация технологиялари соҳасида фаолият юритаётган акциядорлик компаниялари, корхоналар, ташкилотлар ва уларнинг ҳудудий раҳбарлари иштирок этди.

(Давоми 2-саҳифада)

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ЯҚИН МУДДАТГА ВА УЗОҚ ИСТИҚБОЛГА МЎЛЖАЛЛАНГАН ҲАРАКАТ ДАСТУРИ

2015 йилнинг 23 январида Ўзбекистон Республикаси Олий Мажлиси Қонунчилик палатаси ва Сенатининг қўшма мажлисида Ўзбекистон Республикаси Вазирлар Маҳкамасининг яқин муддатга ва узоқ истиқболга мўлжалланган Ҳаракат дастури тақдим этилди

Жорий йил 16 январда ўтказилган 2014 йилда республикани ижтимоий-иқтисодий ривожлантириш яқунлари ва 2015 йилга мўлжалланган иқтисодий дастурнинг энг муҳим устувор вазифалари бўйича Вазирлар Маҳкамаси мажлисида Ўзбекистон Республикаси Президенти Ислоҳ Абдуғаниевич Каримов томонидан 2015 йилда ва кейинги йилларда мамлакатимизни ҳар томонлама ривожлантиришнинг стратегик вазифалари белгилаб берилди. Янги таркибдаги Ҳукуматнинг асосий эътибори қаратилиши лозим бўлган вазифаларнинг мазмун-моҳияти ва уларни амалга ошириш механизмлари чуқур очиб берилди. Жумладан, қуйидаги энг муҳим ва долзарб вазифаларга алоҳида аҳамият қаратилди.

Биринчидан, таркибий ўзгартиришларни кенгайтириш ва чуқурлаштириш, саноатнинг етакчи тармоқларини модернизация ва фаол диверсификация қилиш ҳисобига иқтисодиётнинг рақобатбардошлигини ошириш, ахборот-коммуникация технологияларини кенг жорий этиш, макроиқтисодий барқарорликни мустаҳкамлаш.

Иккинчидан, хусусий мулк ва хусусий тадбиркорликни янада тараққий эттириш учун бу йўлдаги барча тўсиқлар ва чеклашларни бартараф этиш, ушбу соҳа ривожига тўлиқ эркинлик бериш.

Учинчидан, иқтисодиётда давлат иштироки даражасини танқидий баҳолаш, уни стратегик ва иқтисодий асосланган даражагача қисқартириш.

Тўртинчидан, корпоратив бошқарув тизимидаги тамойиллар ва ёндашувларни тубдан ўзгартириш, шунингдек, ишлаб чиқариш, ташқи иқтисодий ва инвестиция жараёнларининг корпоратив менежментига доир халқаро замонавий стандартларни жорий этиш.

(Давоми 3-саҳифада)

Kun mavzusi

МАРКАЗИЙ САЙЛОВ КОМИССИЯСИ БИЛАН ИККИ ТОМОНЛАМА БИТИМЛАР ИМЗОЛАНДИ

Сайловларнинг очиклик, ошкоралик ва транспарентлик каби демократик тамойилларга мувофиқ ўтказилишида оммавий ахборот воситалари муҳим аҳамият касб этади.

«Ўзбекистон Республикаси Президенти сайлови тўғрисида»ги Қонун ҳамда Марказий сайлов комиссияси томонидан тасдиқланган Ўзбекистон Республикаси Президенти сайловига тайёргарлик кўриш ва уни ўтказиш бўйича асосий тадбирлар дастурига мувофиқ оммавий ахборот воситалари сайлов жараёнини кенг ёритиши белгилаб қўйилган.

2015 йил 27 январь кун Марказий сайлов комиссияси Ўзбекистон

Миллий телерадиокомпанияси, Ўзбекистон Миллий ахборот агентлиги, «Жаҳон» ахборот агентлиги билан Ўзбекистон Республикаси Президенти сайловига тайёргарлик кўриш ва уни ўтказиш жараёнини ёритиш тўғрисида икки томонлама битимлар имзолади. Ушбу битимлар сайлов тўғрисидаги миллий қонун ҳужжатлари — Конституциямининг тегишли қоидаларини, «Фуқаролар сайлов ҳуқуқларининг кафолатлари тўғрисида»ги,

«Ўзбекистон Республикаси Президенти сайлови тўғрисида»ги, «Ўзбекистон Республикаси Марказий сайлов комиссияси тўғрисида»ги ва сайлов жараёнини тартибга соладиган бошқа норматив-ҳуқуқий ҳужжатларни аҳоли ўртасида тушунтириш бўйича самарали фаолият ташкил этишга қаратилган. Уларни амалга ошириш доирасида Ўзбекистон Республикаси Президентлигига номзодлар учун оммавий ахборот воситаларидан сайлов



волди ташвиқотини олиб бориш мақсадларида фойдаланишда тенг имкониятлар яратиш, яъни, тенг ҳажмда эфир вақти ва нашр майдони ажратишга алоҳида эътибор берилди.

Икки томонлама имзоланган битимларда томонлар Ўзбекистон МТРК теле ва радиоканаллари, мамлакатимизнинг етакчи ахборот агентликлари ва босма оммавий ахборот воситалари орқали ўз вақтида сайловга тайёргарлик кўриш ва уни ўтказиш жараёнига оид ахборотларни тарқатиш борасида ҳамкорлик қилади.

Жавлон ВАФОЕВ,
«Turkiston» муҳбири

Либоснинг сози — ўзимизга моси



Дизайнерларнинг фикрича, инсон ўз гардеробини яшаётган жойдаги ижтимоий муҳит, иқлим шароити ва миллий менталитетидан келиб чиққан ҳолда шакллантириши керак. Бу айтишга осон, дерсиз. Ахир, бугун юртимиз бозорларида хориждан келтирилган оммабоп ва ҳаммабоп кийимларни хоҳлаганча топиш мумкин. Табиийки, бундай «универсал маҳсулот»ларни яратишда ўзбекистонлик истеъмолчиларнинг диди ва талаби ҳисобга олинмайди. Бу борада ўзимизнинг ишлаб чиқарувчилардан қўямасин.

2011 йилда Президентимизнинг махсус қарорига мувофиқ, «Ўзбекенгилсаноат» давлат акциядорлик компанияси қошида «Sharq liboslari» дизайн маркази ташкил этилган эди. Унитар корхонада дизайнерлар ва конструкторлик гуруҳлари, шунингдек, эксперти-

ментал тикув цехи фаолият кўрсатмоқда. Дарвоқе, цехда ўн нафарга яқин моҳир тикувчи иш билан таъминланган. Деярли барчаси коллеж битирувчиларидир.

(Давоми 7-саҳифада)

Ijodiy jarayon

КАТТА ЭКРАНДА ЕТАКЧИ ҲАЁТИ

Президентимизнинг 2014 йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарорига асосан ёшларнинг ижтимоий фаоллигини ошириш, «Камолот» ЕИХ бошланғич ташкилотлари етакчилари фаолиятини кенг тарғиб қилишга қаратилган бадий фильм яратиш режалаштирилган эди. Унга биноан «Шунқорлар» бадий фильми суратга олинмоқда.

Ёшларни Ватанга садоқат руҳида тарбиялашни мақсад қилган ушбу кинокартинада бугунги кун етакчиси — қаҳрамонининг қиёфаси, унинг жамиятдаги роли, мураккаб вазиятлардаги ташаббускорлиги акс эттирилади.

Воқеалар касб-хунар коллежи ўқувчилари ҳаётида юз беради. Фильмда коллежнинг билимга чанқоқ, интилувчан йигит-қизлари билан бирга ижтимоий фаоллиги паст, лоқайд ёшлар ҳаёти ҳам тасвирланади. Бош қаҳрамонлар Наримон ва Нигора биргаликда тенгдошларини ижтимоий фаол бўлишга, дарсларни янада яхшироқ ўзлаштиришга ундайди.

Умид Ҳамдамов, фильм режиссёри:

— Ёшларни ватанпарварлик руҳида тарбиялашда мазкур фильм ҳам ўз ўрнига эга бўлади деб ўйлайман. Киноасар ёшларнинг ижтимоий фаоллигини ошириб, миллий армия сафида

хизмат қилишдек шараф ва ғурурни ҳар бир ўғлон юрагига жойлайди. Ролларни ёш, иқтидорли актёрлар ижро этмоқда.

Суръат Исомов, бош қаҳрамон — Наримон образи ижрочиси:

— Наримон образи истиқлол йилларида бунёдкорлик, яратувчанлик йўлида ўз Ватани ва халқига фидойилик билан хизмат қилаётган инсон, аввало, ёш авлод вакилларининг таъсирчан, ёрқин сиймосидир. У Ўзбекистон давлат жисмоний тарбия институтини тамомлаб, «Бунёдкор» футбол жамоаси дарвозабони бўлишни истайди, бироқ синовдан ўтолмайди. Сўнг тиббиёт коллежига жисмоний тарбия фани ўқитувчиси бўлиб ишга қиради. Унинг машаққатлари эса айнан шу ердан бошланади ва Наримон фильм якунида оддий ўқитувчи қиёфасидан ёшларнинг маънавий ҳамроҳи, уларнинг яқин устози, тар-



биячиси ва ҳақиқий етакчисига айланади.

Нигина Анорбоева, бош қаҳрамон — Нигора образи ижрочиси:

— Ушбу фильмда «Камолот» ёшлар ижтимоий ҳаракати бошланғич ташкилоти етакчиси Нигора ролини ижро этдим. Сценарийни ўқиганимдаёқ, қаҳрамоним мени жуда қизиқтирди. Нигора ўз ишининг кўзини билладиган, қаттиққўл, босиқ қиз образи. Лекин ҳаётига Наримон кириб келганидан сўнг қаҳрамоним бутунлай ўзгаради. Фильмни суратга олиш жараёнида бир мунча қийинчиликларни ҳам бошдан кечирдик. Ана шундай жараёнлардан бири

— совуқ ҳавода фонтан олдида Наримон билан рақсга тушиш бўлди. Фикримча, ушбу фильм ёшларни бир жамоа бўлиб олға интилишга ундайди.

Омина Чавандозова, коллеж ўқувчиси роли ижрочиси:

— Фильмда бугун биз, ёшларга яратиб бериладиган имкониятлардан тўғри фойдаланмай, вақтини беҳуда ишларга сарфлаётган айрим тенгдошларимизнинг ҳаёти ҳам тасвирланган.

Рустам ЮСУПОВ,
«Turkiston» мухбири.
Рустам Назарматов
олган сурат

АКТ ТАРАҚҚИЁТ БОСҚИЧИДА

(Давоми, бошланиши 1-саҳифада)

Ўтган йилда жамиятимиз ҳаётида ахборот-коммуникация технологияларининг муҳим ўрин тутишини ҳисобга олиб, 2013–2020 йилларда Ўзбекистон Республикасининг Миллий ахборот-коммуникация тизимини ривожлантириш комплекс дастури қабул қилинган эди. Дастур доирасида 2014 йилда мамлакатимизда барча автомат телефон станцияларини рақамли тизимга ўтказиш якунланди ҳамда алоқа, ахборотлаштириш ва телекоммуникация тизимида фаолият олиб бораётган ташкилот ва компаниялар томонидан кўрсатилган хизматлар ҳажми 24,5 фоиз, шу жумладан, компьютер дастурлари билан боғлиқ хизматлар 21,6 фоиз ошди. Ушбу омиллар юртимизда халқаро ахборот тармоқларидан фойдаланиш имконияти ва интернет тезлигини сезиларли даражада оширди. 2014 йилда мамлакатимизда интернетнинг ўтказувчанлик даражаси 4 баробар, тезлиги эса 1,5 баробар ортди ҳамда ундан фойдаланиш нархи 2013 йилга нисбатан 11,6 фоиз камайди. Бу эса республикамизда интернетдан фойдаланувчилар сонининг янада ошишига сабаб бўлди. Ҳозирги пайтда мамлакатимиз аҳолисининг учдан бир қисми, яъни 10 миллион 200 минг нафардан зиёд юртдошимиз ин-

тернетдан фойдаланмоқда. Худудларда икки минг километрдан зиёд оптик толалари алоқа тармоқлари барпо этилди ва ушбу тармоқлар орқали мижозларга видеотелефония, интернет-телевидение, юқори тезликдаги интернет ва бошқа хизматлар учун қулайлик яратилди.

«Ўзбектелеком» акциядорлик компанияси телекоммуникация ва интернет-хизматлар кўрсатиши янада юқори босқичга чиқишини таъминлаган чақириқларга хизмат кўрсатувчи «Ягона марказ» лойиҳасини жорий этиш доирасида 13та минтақавий марказ ташкил қилди.

2014 йил давомида юртимиз бўйлаб 26та замонавий коммуникацион ускунанинг ишга туширилиши ва 500дан ортиқ янги базавий мобиль алоқа станциясининг ўрнатилиши натижасида алоқа тизими фойдаланувчилари сони деярли 20 миллион кишига етди.

Ягона интерактив давлат хизматлари портали кундан-кунга ривожланиб бормоқда. 2013 йил 1 июль куни интернет тармоғида ту.gov.uz манзили бўйича тест режимида ишга туширилган ушбу порталда шу кунгача фуқаролар ва тадбиркорларга 110 мингдан ортиқ, жумладан, 2014 йилнинг ўзида уларга 45,6 минг электрон хизмат кўрсатилди.

«Давлат ҳокимияти ва бошқаруви органлари фаолияти-

нинг очиклиги тўғрисида»ги Ўзбекистон Республикаси қонунига кўра, давлат ҳокимияти ва бошқаруви органларининг расмий веб-сайтлари ҳамма фойдаланиши мумкин бўлган ресурсдир. Ҳозирги вақтда ушбу расмий веб-сайтлар ҳамда электрон ресурслар орқали 650 турдаги интерактив хизмат кўрсатилмоқда. Ўтган йили давлат идораларида орқали 485 мингдан ортиқ электрон хат алмашилган.

2014 йилда маҳаллий маҳсулотлар бозори янада ривожлантирилди. Software.uz каталогига 1600та маҳаллий дастурий маҳсулот киритилди ва маҳаллий дастурчиларнинг миллий реестри тузилди ҳамда унга 69 маҳаллий компания жалб этилди.

АКТ соҳасида жаҳоннинг етакчи муассасалари билан ҳамкорлик ўрнатилди ва «LG CNS Uzbekistan» қўшма корхонаси ташкил этилди. Дастурий таъминот ишлаб чиқаришни ривожлантириш ва хориж инвестицияларини жалб қилиш орқали сифатли миллий дастурий маҳсулотларни ишлаб чиқиш ва устувор йўналишларни белгилаш мақсадида ташкил этилган ушбу корхона томонидан 2015 йилда бир қатор лойиҳалар амалга оширилиши мўлжалланган.

Жавлон ВАФОЕВ,
«Turkiston» мухбири

(Давоми, бошланиши 1-саҳифада)

Вазирлар Маҳкамаси ҳузуридаги Фан ва технологияларни ривожлантиришни мувофиқлаштириш қўмитаси, Олий аттестация комиссияси, Олий ва ўрта махсус таълим вазирлиги ва Буюк Британиянинг мамлакатимиздаги ваколатхонаси ҳамкорлигида ташкил этилган анжуманда ташкилот ва муассасалар вакиллари, хорижлик экспертлар, илмий тадқиқот институтлари ва олий ўқув юртларидан 400дан ортиқ тадқиқотчи иштирок этмоқда.

Тадқиқотлар халқаро ангозаларга

— Тадқиқотчиларга илмий-тадқиқот ишларини олиб бориш ва уни расмийлаштиришга қўйиладиган халқаро талаблар, хориж журналларида чоп этиладиган илмий мақолаларни ёзиш методикаси, нашр этишдаги стратегик ёндашувлар ҳақида маълумотлар бериш, — дейди Европа комиссиясининг Илмий тадқиқот ва инновациялар бош бошқармаси консультанти Мартин Пенни.

— Семинар-тренинг жараёнида мақола ёзишдаги жанрлар уйғунлиги, муаллиф жавобгарлиги ва журналларни танлаш маҳорати каби кўплаб янги маълумотларга эга бўляпмиз, — дейди Жаҳон иқтисодиёти ва дипломатия университети мустақил изланувчиси Гўзал Маҳмудхонова. — Анжуман доирасида ўтказилган «Келажакни режалаштириш» мавзусидаги маҳорат дарсларида хорижлик мутахассислар томонидан илмий ишни ташкил этиш борасида тавсиялар берилди.

Ҳозирги кунда республикамизда 3000дан ортиқ докторант, 12600га яқин магистрант ўз соҳалари бўйича тадқиқот олиб бормоқда.

Мамлакатимизда олий ўқув юртидан кейинги таълим тизимини тубдан ислоҳ қилиш, тадқиқотлар сифати ва илмий-амалий аҳамиятини ошириш, ёшларнинг ижодий-интеллектуал салоҳиятини намоён этишга кенг шароит яратиш мақсадида халқаро стандартларга мувофиқ диссертация ҳимоя қилиш ва фан доктори илмий даражасини олиш бўйича таълимнинг олий ўқув юртидан кейинги бир босқичли тизими жорий этилган. Айни пайтда мазкур йўналишда катта илмий ходим-изланувчи институти вуҷудга келди.

— Уч кунлик семинарда илмий мақолаларни нашрга тайёрлаш қоидалари, уларнинг экспертизасини ташкил этиш масалалари юзасидан маърузалар ўқилди, мутахассислар ўзаро тажриба алмашди, — дейди «Истеъдод» жамғармаси ижрочи директори ўринбосари Зафар Мухромбоев. — Келгусида мутасадди ташкилотлар билан ҳамкорликда нуфузли халқаро университет ва илмий марказ олимлари билан доимий равишда анжуманлар ўтказиш режалаштирилган.

Назокат ҚУРБОННИЁЗОВА,
«Turkiston» мухбири

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ЯҚИН МУДДАТГА ВА УЗОҚ ИСТИҚБОЛГА МЎЛЖАЛЛАНГАН ҲАРАКАТ ДАСТУРИ

(Давоми, бошланиши
1-саҳифада)

Бешинчидан, ишлаб чиқаришни маҳаллийлаштиришни чуқурлаштириш, тармоқлараро саноат кооперациясини кенгайтириш.

Олтинчидан, ривожланган инфратузилмани, биринчи навбатда, ахборот-коммуникация тизимларини яратиш, йўл-транспорт ва муҳандислик-коммуникация қурилиши бўйича амалга оширилаётган ишларни янги босқичга кўтариш.

Еттинчидан, аҳоли бандлигини таъминлаш, энг аввало, касб-ҳунар коллежлари ва олий таълим муассасалари битирувчиларини ишга жойлаштириш учун янада кенг шарт-шароитлар яратиш.

Давлатимиз раҳбари томонидан белгилаб берилган ушбу стратегик вазифалар Ҳукуматнинг Ҳаракат дастурига асос ва пойдевор ҳисобланади. Қабул қилинган қонун ҳужжатларига таянган ҳолда, 2015 йил ва ундан кейинги йилларга мўлжалланган, мамлакатни ижтимоий-иқтисодий ривожлантиришнинг стратегик устувор йўналишларини ўз вақтида ва тўлиқ амалга ошириш — Ҳукуматнинг энг муҳим вазифаси ҳисобланади.

Қайд этилган муҳим устувор вазифаларни амалга ошириш мақсадида Ҳукумат бир қатор дастурий ҳужжатлар лойиҳасини ишлаб чиқишни ва уларни яқин муддатларда тасдиқлаш учун киритишни таъминлайди. Ушбу лойиҳаларнинг ҳар бирида иқтисодиёт тармоқлари ва инфратузилмани ривожлантириш бўйича мақсадли дастурлар ҳамда уларни амалга ошириш механизмлари белгилаб берилди.

Биринчи устувор вазифани амалга ошириш учун — **иқтисодиётдаги таркибий ўзгартиришларни янада кенгайтириш, саноатнинг етакчи тармоқларини модернизация ва фаол диверсификация қилишни таъминлайдиган дастурлар** ишлаб чиқилмоқда.

Хусусан, 2015-2019 йилларда ишлаб чиқаришни таркибий ўзгартириш, модернизация ва диверсификация қилишни таъминлаш чора-тадбирлари дастурини тайёрлаш доирасида жами қиймати 38 миллиард долларга тенг бўлган 870та йирик инвестиция лойиҳаси рўйхати шакллантирилди. Ушбу лойиҳаларга биноан 415та янги корхона барпо этиш ҳамда 455та ишлаб турган корхонани модерни-

зация қилиш, техник ва технологик жиҳатдан янгилаш назарда тутилмоқда.

Дастурнинг принципиал тарзда ажралиб турадиган жиҳати шундаки, экспортга мўлжалланган, ички ва ташқи бозорларда рақобатдош бўлган маҳсулот турларини аниқлаш ва юқори технологияга асосланган ишлаб чиқариш корхоналарини жадал ривожлантиришга асосий эътибор қаратилган. Булар жумласига тайёр тўқимачилик буюмлари ва ярим тайёр маҳсулотлар, полимерлар ва углеводородларни чуқур қайта ишлаш орқали олинадиган бошқа маҳсулотлар, электр-маиший ва электрон товарлар, маиший кимё товарлари, замонавий қурилиш ва пардозлаш материаллари, чарм-пойабзал, озиқ-овқат ва фармацевтика саноати маҳсулотлари киради.

Бундай кенг қўламли дастурни амалга ошириш учун Ўзбекистонда етарлича тажриба, ресурс ва имкониятлар мавжуд. Мамлакатимиз Президентининг ташаббусига кўра, сўнгги йилларда республикамизда бир қатор ноёб, илғор технологияларга асосланган ва энг замонавий асбоб-ускуналар билан жиҳозланган саноат корхоналари барпо этилди. Деҳқонобод калийли ўғитлар заводи, “Женерал Моторс Пауэртрейн — Ўзбекистон” кўшма корхонаси, Устюрт газ-кимё комплекси, Самарқанд вилоятидаги оғир юк автомобиллари заводи, замонавий буғ-газ энергоблоклари ва иссиқлик электр станциялари, шунингдек, бошқа бир қатор лойиҳалар шулар жумласидандир.

Республикада ушбу ўта мураккаб лойиҳаларни амалга оширишда тўпланган илмий-техник, муҳандислик-ишлаб чиқариш ва интеллектуал салоҳият энг илғор технологиялар жорий этиладиган янги, техник жиҳатдан янада мураккаб бўлган лойиҳаларни амалга ошириш учун мустақкам пойдевор бўлмоқда. Бу эса, ўз навбатида, ишлаб чиқарилаётган маҳаллий маҳсулотларнинг узоқ йиллар мобайнида рақобатдош бўлиб қолишининг кафолати ҳисобланади.

Ана шу орттирилган тажрибани нафақат саноатнинг базавий тармоқларида, балки бошқа соҳаларда ҳам, энг аввало, қайта ишлаш саноатида кенг қўллаш лозим бўлади. Бунинг учун ташкил этиладиган ишлаб чиқариш объектларига профессионал ва стратегик хорижий инвесторлар ҳамда энг илғор технологияларга эга бўлган компаниялар жалб этилади.

Дастлабки ҳисоб-китобларга кўра дастурни амалга ошириш қуйидаги натижа-

ларга эришиш имконини беради:

— машинасозлик, кимё, нефть-газ-кимё, тўқимачилик ва озиқ-овқат саноати каби юқори қўшимча қийматга эга маҳсулотлар ишлаб чиқарувчи тармоқлар жадал ривожлантирилади. Бунинг натижасида саноат маҳсулотларининг 1000 тадан ортиқ янги турини ишлаб чиқариш ўзлаштирилади;

— саноат ишлаб чиқаришининг 5 йилда 1,5 баробарга ўсиши, саноатнинг ялпи ички маҳсулотдаги улуши эса 24 фоиздан 2020 йилга бориб 27 фоизгача ортиши мўлжалланмоқда;

— юқори технологияли маҳсулотлар экспортини янада ошириш ва 52 мингтадан ортиқ янги иш ўрни яратиш назарда тутилмоқда.

Саноатни ривожлантириш борасидаги яна бир устувор вазифа — **бу ишлаб чиқаришни маҳаллийлаштириш, тармоқлараро саноат кооперациясини кенгайтириш** ҳисобланади.

Маҳаллий хомашё ва материалларни чуқур қайта ишлашни таъминлайдиган ишлаб чиқариш қувватларини кенгайтириш ҳисобидан импорт ҳажмини оптималлаштириш мақсадида 2015-2019 йилларда тайёр маҳсулотлар, бутловчи буюмлар ва материалларни маҳаллийлаштириш ҳамда ишлаб чиқариш дастури тайёрланмоқда.

Дастур маҳаллий минерал хомашёни чуқур қайта ишлашни ва талаб юқори бўлган 1225та маҳсулот турини ишлаб чиқаришни таъминлайдиган 600та лойиҳани ўз ичига олади. Дастурнинг ижроси ҳар йили 3,5 миллиард доллар миқдоридagi импорт ўрнини босадиган маҳсулотларни ўзимизда ишлаб чиқариш ва 13 мингдан ортиқ янги иш ўринлари яратиш имконини беради.

Республика Ҳукумати иқтисодиётни изчил ривожлантириш, янги иш ўринлари яратиш, аҳоли фаровонлиги ва турмуши сифатини оширишнинг энг муҳим асоси сифатида **хусусий мулк ва хусусий тадбиркорликни янада ривожлантиришга доир устувор вазифаларни амалга оширишга** алоҳида эътибор қаратади.

Ана шу мақсадда Хусусий мулк ва хусусий тадбиркорликни янада ривожлантиришга доир чора-тадбирлар дастури ишлаб чиқилмоқда.

Дастур қуйидагиларни назарда тутди: бизнес юритиш шарт-шароитларини янада эркинлаштиришни жадаллаштириш; давлат органларининг хусусий бизнесга ноқонуний аралашуви ҳолатларига тўлиқ барҳам бериш; бу йўлдаги барча

тўсиқларни ва асосиз чеклашларни бартараф этиш; очиқ биржа ва ярмарка савдолари орқали кичик бизнеснинг моддий ва хомашё ресурсларидан, кредит ва молиявий механизмлардан фойдаланиш имкониятларини янада кенгайтириш.

Давлат бошқаруви ва назорат қилувчи органлар ва уларнинг мансабдор шахсларининг тадбиркорлик фаолиятига ноқонуний аралашуви ва хусусий тадбиркорлик учун тўсиқлар яратиши, тадбиркорларнинг қонуний ҳуқуқлари ва кафолатлари бузилиши юзасидан уларнинг масъулиятини кучайтириш бўйича қонунчиликни янада такомиллаштиришга алоҳида эътибор қаратилади. Тадбиркорлар манфаатини судлар томонидан ҳимоя қилиш механизмларини кучайтиришга доир таклифлар тайёрланади.

Рўйхатдан ўтказиш ва рухсатномалар олиш механизмларини “ягона дарча” тамойили асосида янада соддалаштириш масалалари асосий диққат-эътибор марказида бўлади. Бунинг учун ҳар бир туманда тадбиркорлар учун ягона марказ ташкил этиш таклиф этилмоқда. Унинг асосий вазифаси — мулкка бўлган ҳуқуқларни расмийлаштириш, бизнес субъектларига ер участкалари бериш, қурилиш ва объектларни инфратузилма тармоқларига улаш билан боғлиқ бўлган рухсатномалар ва тартиб-қоидаларни соддалаштириш ва арзонлаштиришдан иборат.

Давлатнинг иқтисодиётдаги иштирокини қисқартириш бўйича устувор вазифаларни амалга ошириш учун 2015-2016 йилларда давлат мулкни хусусийлаштириш дастурини шакллантириш яқунланмоқда. Ушбу Дастур қуйидагиларни назарда тутди:

— тўла қувват билан ишламаётган 660 тадан кўпроқ давлат корхонасини тугатиш ва очиқ савдо орқали янги хусусий мулкдорлар тасарруфига ўтказиш;

— стратегик аҳамиятга эга бўлмаган 360та корхонадаги давлат улушини тўлиқ равишда сотиш;

— фойдаланилмаётган 400тадан ортиқ давлат мулк объектини “ноль” қиймати бўйича сотиш. Бу, ўз навбатида, қисқа муддатларда стратегик хорижий инвесторлар ва замонавий технологияларни жалб этиш имконини беради;

— хусусий инвесторларга 450 миллиард сўмлик қўшимча акцияларни фонд бозорида сотиш орқали ишлаб турган 203та корхонадаги давлат улушини 51 фоизгача қисқартириш.

Юқорида кўрсатиб ўтилган Дастурни амалга оши-

риш натижасида давлат мулк объект очиқ савдоларда сотилади, устав капиталида давлат улуши бўлган корхоналар сони эса 534тадан 147тагача, яъни 3,6 баробарга камаяди.

Корпоратив бошқарув тизимида тамойил ва ёндашувларни тубдан ўзгартириш бўйича энг муҳим устувор йўналишни амалга ошириш мақсадида мулк таркибида давлат улуши бўлган 1100тадан ортиқ акциядорлик компанияси ва бошқа ҳўжалик бирлашмалари фаолиятининг самардорлигини танқидий кўриб чиқиш ҳамда бу соҳада Япония, Жанубий Корея, Германия ва бошқа ривожланган мамлакатларда қўлланилаётган менежмент тизимлари асосида янги услуб ва ёндашувларни ишлаб чиқиш ва жорий этиш мўлжалланмоқда.

Корпоратив бошқарув тизимида тамойиллар ва ёндашувларни тубдан ўзгартириш чора-тадбирлари дастурини тайёрлаш доирасида давлат улушига эга бўлган акциядорлик компанияларининг янги намунавий ташкилий тузилмаси ва уларнинг ходимларига қўйиладиган талаблар тасдиқланади ҳамда вазифалари белгиланади.

Бундан асосий мақсад — бошқарув ходимлари ва мутахассислар лавозимлари номи ва функционал вазифаларини ўзгартирибгина қолмай, балки уларнинг фаолият кўрсатиш тамойилларини тубдан ўзгартиришдан иборатдир. Бу эса, ўз навбатида, ривожланиш учун ўзаро ҳамкорлик ва ташаббускорликка янги туртки беради.

Навбатдаги муҳим вазифа — бугунги кунда аксарият ҳолларда эскича маъмурий-буйруқбозлик усулида корхонани бошқараётган самарасиз директорлик корпусидан батамом халос бўлиш. Бундан мақсад — корхоналарни бозор иқтисодиётини чуқур биладиган ва юксак профессионал малакали янги менежерлар бошқаришига эришишдир.

Қишлоқ ҳўжалиги ишлаб чиқаришини ривожлантиришни янги босқичга кўтариш Ҳукумат фаолиятининг энг муҳим йўналишларидан бири бўлади.

Ҳозирги вақтда бу борадаги таркибий қайта ўзгартиришларни давом эттиришга, илғор агротехнологияларни жорий этишга, соҳани комплекс механизациялаш ҳамда хомашё ресурсларини қайта ишлашни чуқурлаштиришга қаратилган ҳужжатлар лойиҳаси тайёрланмоқда.

(Давоми 4-саҳифада)

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ЯҚИН МУДДАТГА ВА УЗОҚ ИСТИҚБОЛГА МЎЛЖАЛЛАНГАН ҲАРАКАТ ДАСТУРИ

(Давоми, бошланиши 1-, 3-саҳифаларда)

Республикамиз фермерлари билан жойларда бўлиб ўтган учрашувларда ва Ўзбекистонда озиқ-овқат дастури амалга ошириш масалалари бўйича халқаро конференцияда давлатимиз Президенти томонидан белгилаб берилган вазифаларга мувофиқ 2015-2019 йилларда қишлоқ хўжалигини ривожлантириш дастури ишлаб чиқилмоқда. Дастур ҳосилдорлиги паст бўлган ғўза майдонларини қисқартириш, бўшайдиган ерларга мева-сабзавот, полиз, картошка ва бошқа озиқ-овқат экинларини жойлаштириш, интенсив боғлар барпо этиш ҳисобиغا экин майдонларини босқичма-босқич оптималлаштиришни назарда тутди. Селекция ва уруғчиликни янада ривожлантиришга, шу жумладан, ғўза ва дон экинларининг янги, юқори самарали, шўрга ва қурғоқчиликка чидамли навларини яратишга доир чора-тадбирлар амалга оширилади. Деҳқон ва фермерларимизни ўзимизда ишлаб чиқарилган замонавий техникалар билан таъминлашни янада яхшилаш мақсадида “Ўзагроноат-машҳолдин” компанияси корхоналарида “Клаас”, “Лемкен” ва бошқа етакчи компаниялар билан ҳамкорликда замонавий, юқори самарали тракторларни, модернизация қилинган пахта териш машиналари, ғалла ўриш комбайнларини ва бошқа техникаларни ишлаб чиқариш ташкил этилади.

Қишлоқ хўжалиги ишлаб чиқариши самарадорлигини оширишнинг муҳим асоси ва кафолати сифатида суғориладиган ерларнинг ҳосилдорлигини оширишга Ҳукумат алоҳида эътибор қаратади. 2013-2017 йилларда Суғориладиган ерларни мелиоратив жиҳатдан яхшилаш чора-тадбирларни дастурини амалга ошириш изчил давом эттирилади. Дастур ирригация иншоотлари комплексини қуриш ва реконструкция қилишни ҳамда янада замонавий, энергияни тежайдиган асбоб-ускуналар ўрнатишни назарда тутди. Бундан мақсад — 5 йил давомида 1 миллион 400 минг гектар суғориладиган ерларнинг мелиоратив ҳолатини яхшилаш ва қишлоқ хўжалиги экинлари ҳосилдорлигини оширишни таъминлашдан иборатдир.

Сувни тежайдиган замонавий технологияларни жорий этиш ишларини давом эттириш, жумладан, боғлар ва узумзорларни томчилатиб суғориш тизимларини кенгайтириш муҳим вазифалардан бири ҳисобланади. Бу эса ҳар йили 1 миллиард кубометрга-ча сувни тежаш имконини беради.

Қишлоқ хўжалиги маҳсулотларини қайта ишлаш ҳажмларини кўпайтириш — навбатдаги муҳим вазифа ҳисоблана-

ди. Ушбу мақсадда озиқ-овқат саноатида 391 та инвестиция лойиҳасини амалга ошириш, камида 1 миллион 300 минг тонна мева-сабзавот маҳсулотларини сақлаш ҳажмига эга бўлган 2 мингдан ортиқ замонавий совутиш камераларини қуриш, сақлаш жойларининг умумий ҳажмини 2 миллион тоннагача етказиш назарда тутилмоқда. Айни вақтда ўзаро боғланган логистика тизими ривожлантирилади.

Аграр соҳада кўрсатиб ўтилган ва бошқа чора-тадбирларнинг амалга оширилиши натижасида 2015-2019 йилларда озиқ-овқат хавфсизлигини янада мустаҳкамлаш ва озиқ-овқат маҳсулотларининг асосий турлари билан республиканинг ўзини-ўзи таъминлаши, шунингдек, ташқи бозорларда талаб юқори бўлган ушбу маҳсулотлар экспортини сезиларли ошириш таъминланади.

Мамлакатимизда **ахборот-коммуникация тизимини, йўл-транспорт ва муҳандислик-коммуникация қурилишини ривожлантириш бўйича устувор йўналишни** амалга ошириш доирасида барча инфратузилма соҳаларини янада ривожлантириш ва модернизация қилиш, шунинг ҳисобидан ўзимизда ишлаб чиқарилган маҳсулотларни жаҳон бозорларига чиқариш муҳим вазифа ҳисобланади.

Транспорт коммуникацияларнинг узоқлиги ва денгиз портларига тўғридан-тўғри чиқиш имконияти мавжуд эмаслиги Ўзбекистон учун жиддий муаммолардан бири ҳисобланади. Шу сабабли ҳозирги вақтда ташқи савдо камида 2-3та давлат ҳудуди орқали транзит йўли билан амалга оширилмоқда. Натижада юкларни етказиб беришнинг қиймати ошмоқда, бу эса республикадаги корхоналар экспортининг рақобатдошлигига салбий таъсир кўрсатмоқда.

Шу муносабат билан, 2015-2019 йилларда ишлаб чиқариш инфратузилмасини ривожлантириш ва модернизация қилиш дастурида, энг аввало, автомобиль ва темир йўлларни, логистика марказлари ва коммуникацияларни янада ривожлантиришга доир аниқ чоралар кўриш назарда тутилган. Бу борада умумий қиймати 10 миллиард долларлик 150 тадан ортиқ лойиҳани амалга ошириш лозим бўлади.

Мамлакат темир йўл коммуникациясини ривожлантириш ва электрлаштириш бўйича 13 та лойиҳа, жумладан, Ангрен — Поп, Мароқанд — Қарши, Қарши — Термиз, Мароқанд — Бухоро йўналишлари бўйича лойиҳаларни белгиланган муддатда бажариш алоҳида назоратга олинади.

Ўзбекистон миллий автомагистралининг 1 минг 800 километр узунликдаги участкаларини, Қарши, Кўқон, Тошкент, Бухоро, Гулистон шаҳарларини

айланиб ўтувчи янги йўлларни қуриш ва реконструкция қилиш, маҳаллий аҳамиятга молик йўлларни модернизация қилиш таъминланади.

Ҳукумат инфратузилмани ривожлантириш доирасида 2013-2020 йилларда миллий ахборот-коммуникация тизимини ривожлантиришнинг комплекс дастури сўзсиз ва тўлиқ амалга оширилиши устидан назоратни кучайтиради. Бу дастур барча ҳудудларнинг, шу жумладан, олис ва чекка ҳудудларнинг рақамли телевидение тизимига тўлиқ ўтишни тугаллаш, республика ҳудудларини мобиль алоқа билан қамраб олиш даражасини 80 фоиздан 95 фоизгача ошириш имконини беради. «Электрон ҳукумат» тизими ва интернетнинг самарали ишлаши учун ишончли техник база таъминланади.

Юқорида кўрсатиб ўтилган дастурий чора-тадбирларни амалга оширишда Ҳукуматнинг асосий эътибори **аҳоли бандлигини, энг аввало, касб-хунар коллежлари ва олий таълим муассасалари битирувчиларини ишга жойлаштиришни таъминлаш учун зарур шарт-шароитлар яратиш бўйича устувор йўналишни амалга оширишга қаратилади.**

Биринчи навбатда, бу иқтисодий тармоқлари ва ҳудудларнинг эҳтиёжини ҳисобга олган ҳолда, янги иш ўринлари ташкил этиш бўйича ҳар йилги дастурларни ишлаб чиқишни кўзда тутди. 2015 йилда 1 миллионга яқин, жумладан, қишлоқ жойларда 604 мингта янги иш ўрни ташкил этиш зарур. Асосий мақсад — корхоналарнинг аниқ буюртмалари асосида малакали мутахассисларни тайёрлаш дастурига мувофиқ касб-хунар коллежлари ва олий таълим муассасаларининг ҳар бир битирувчисини ўзи танлаган мутахассислигига кўра ишга жойлаштиришни таъминлашдан иборат.

Глобал товар бозорларидаги ноаниқлик ва беқарор вазиятни, кўплаб йирик мамлакатларда иқтисодий ўсиш суръатлари пасайгани ҳамда бошқа жиддий таҳдидларни эътиборга олиб, Ҳукумат ўз фаолиятини қандай мураккаб шароитларда амалга ошириши кераклигини яхши англайди. Шунинг учун 2015 йилдаги энг муҳим устувор вазифаларни амалга ошириш билан бир пайтда бир қатор мақсадли вазифаларнинг бажарилиши — республика Ҳукуматининг доимий диққат-эътиборида бўлади.

Глобал молиявий-иқтисодий инқироз энг авж олган пайтда — 2008 йилда мамлакат Президенти томонидан ишлаб чиқилган ва ўз вақтида қабул қилиниб, муваффақиятли амалга оширилаётган **Инқирозга қарши чоралар дастури** ўзининг нақадар тўғри ва самарадорлигини ҳар томонлама исботламоқда. Шунинг

учун макроиктисодий барқарорликни таъминлаш бўйича ўзини оқлаган чора-тадбирлар ва механизмлардан фойдаланиш масалалари устувор вазифа сифатида сақланиб қолади.

Кучли ижтимоий сиёсатни амалга ошириш Вазирлар Маҳкамаси ва маҳаллий давлат ҳокимияти органлари фаолиятининг муҳим вазифаси ҳисобланади.

Умумтаълим мактаблари, ўрта махсус ва олий таълим муассасаларини замонавий компьютер ва ўқув-лаборатория ускуналари билан тўлиқ жиҳозлашни янада жадаллаштириш, талаб юқори бўлган, бугунги ёшларимиз учун зарур билымлар ва фанларни, жумладан, ахборот технологияларини, чет тилларини, тадбиркорлик фаолияти асосларини ўқитиш амалиёти янада кенгайтирилади.

Шу билан бирга, Болалар спортини ривожлантириш жамғармаси Васийлик Кенгашининг умумтаълим мактабларида 1 минг 700та замонавий спорт зали қуриш ва жиҳозлаш ҳамда 153та болалар ва ўсмирлар спорт мактабини ва ихтисослашган олимпия захираси мактабларини асбоб-ускуналар билан тўлиқ таъминлаш борасидаги қарорлари ижросини амалга ошириш лозим бўлади.

Шунингдек, **Она ва бола соғлиғини муҳофаза қилишнинг** миллий моделини амалда татбиқ этиш, асосан профиллактик тадбирларга ўтиш ва соғлом турмуш тарзи таъминлашнинг жорий қилиш дастурини амалга ошириш давом эттирилади. Қишлоқ врачлик пунктлари иши самарадорлигини оширишга, тиббиёт муассасаларини замонавий даволаш ва диагностика ускуналари билан жиҳозлашни жадаллаштиришга ҳамда юқори малакали кадрлар тайёрлашга алоҳида аҳамият берилади.

Аҳолининг ижтимоий-маиший шароитларини яхшилаш, жумладан, сифатли ичимлик суви, табиий ва суюлтирилган газ, замонавий санитария-тозалаш тизими билан таъминлаш ҳамда коммунал хизматлар сифатини янада яхшилаш, шунингдек, шаҳарлар ва қишлоқ аҳоли пунктларини ободонлаштириш ва кўкаламзорлаштириш борасидаги муҳим масалалар ҳам Ҳукуматнинг доимий диққат-эътиборида бўлади. **Республика аҳолиси турмуш маданиятини ошириш бўйича комплекс чора-тадбирлар дастури**ни ишлаб чиқиш тугалланади ва тақдим этилади.

Қишлоқ жойларда намунавий лойиҳалар бўйича ўзини амалда тўлиқ оқлаган, зарур ижтимоий ва бозор инфратузилмаси шакллантирилган, ҳар томонлама қулайликка эга бўлган яқка тартибдаги уй-жой қурилиши дастурини амалга ошириш давом эттирилади ва

унинг кўламлари янада кенгайтирилади.

2015-2016 йиллар мобайнида 25 мингта намунавий уй-жойни ва барча замонавий инфратузилмага эга шинам қишлоқ массивларини ўз вақтида ва сифатли қуришни таъминлаш ишларини амалга ошириш муҳим вазифа сифатида белгиланган.

Ишлаб чиқилаётган “Кексаларни эъзозлаш йили” **Давлат дастури** доирасида чора-тадбирларнинг катта комплексини амалга ошириш режалаштирилмоқда.

Барқарорлик, хавфсизлик, қонунийлик, ҳуқуқ-тартибот ва ижтимоий адолат принципларига амал қилишни таъминлаш борасида Президентимиз томонидан белгилаб берилган энг муҳим вазифалар, шак-шубҳасиз, Ҳукуматнинг эътибор марказида бўлади.

Иқтисодий ва ижтимоий соҳадаги ўзгаришлар борасидаги устувор вазифаларнинг самарадорлиги Вазирлар Маҳкамаси, вазирликлар ва идоралар, барча даражадаги ҳокимликлар фаолиятининг самарадорлиги билан белгиланади. **Шу сабабли маъмурий-буйруқбозлик тизимининг қолдиқларини ва эскирган бошқарув усулларини қатъий бартараф этиш, амалга оширилаётган иқтисодий ислохотларни янада чуқурлаштирилишини таъминлаш муҳим вазифа сифатида қўйилади.**

Шу муносабат билан Ҳукумат маъмурий тартиб-қоидалар соҳасидаги қонунчиликни такомиллаштиришга доир тегишли таклифларни тайёрлайди ва Парламентга киритади. Ушбу таклифлар ижро этувчи ҳокимият органлари ишида замонавий усулларни жорий этишни, ички идоравий назорат механизминини кучайтиришни, қабул қилинаётган қарорлар натижадорлиги учун мансабдор шахсларнинг масъулиятини янада оширишни назарда тутди.

Юқорида билдирилган энг муҳим вазифаларни ва Ҳаракат дастурини амалга ошириш — республика Ҳукуматининг ҳар бир аъзосидан ҳамда барча даражадаги раҳбарлар фаолиятида янги самарали ва замонавий ёндашувларни талаб этади. Шу билан бирга, пировард натижаларга эришиш учун уларнинг шахсий масъулияти янада ортади.

Вазирлар Маҳкамаси Ўзбекистон Республикасининг изчил ва барқарор ривожланиши ва равақ топиши юзасидан мамлакат Президенти Ислоҳ Абдуғаниевич Каримов томонидан белгилаб берилган стратегик вазифаларни муваффақиятли амалга ошириш учун давлат ва хўжалик бошқаруви органлари ҳамда барча даражалардаги ҳокимликларнинг биргаликдаги саъй-ҳаракатларини бирлаштиришни ўз олдига мақсад қилиб қўяди.

Muruvvat

Олий Мажлис Сенатининг 2014 йил 14 ноябрдаги “Ўзбекистон Республикаси Конституцияси қабул қилинганлигининг йигирма икки йиллиги муносабати билан амнистия тўғрисида”ги қарорига асосан Урганч шаҳрида 18 нафар шахс жазони ижро этиш муассасалари ва тергов ҳибсхоналаридан озод этилди. Улардан уч нафари ёшлар.

Жамиятга ўз ўрнини топган йигитлар

Озодликдан маҳрум қилиш жойларидан қайтиб келган шахсларни ижтимоий қўллаб-қувватлаш мақсадида шаҳарда кўник-тирма маркази ташкил қилинган. Унинг фаолияти махсус комиссия томонидан назорат қилиниб, мувофиқлаштирилмоқда.

— Шаҳар ҳокимлиги ва бошқа ташкилотлар саъй-ҳаракати билан авф этилган фуқаролар жамиятга мослашяпти ҳамда ўз ўрнини топяпти, — дейди комиссия аъзоси, “Камолот” ЁИХ Урганч шаҳар кенгаши раиси Фозил Болтаев. — Шу кунгача уларга 12,5 миллион сўмдан ортиқ миқдорда моддий ёрдам кўрсатилди. Озодликка чиққан уч нафар тенгдошимизга алоҳида эътибор қаратяпмиз. Ёшлар ижтимоий ҳаракати, “Маҳалла” хайрия жамоат фонди вакиллари бир неча маротаба бу йигитлар билан учрашиб, келгуси режалари, мақсад ва интилишларини аниқлади.

Ўтказилган учрашувлар натижасида Бобур Эшметов (суратда) ўз қизиқишига кўра “Қаҳрамонгазсервис” корхонасига, Шухратбек Вапаев “Хоразм азаматлари” хусусий уй-жой ширкатлари уюшмасига, Алишер Матчинов шаҳар ободонлаштириш бошқармасига ишга жойлашди.

Шунингдек, улар “Камолот” ёшлар ижтимоий ҳаракати фаолияти билан тўлиқ таништирилди. Шухратбек ва Бобур жорий йилда Ҳаракатнинг “Ёш тадбиркор — юртга мададкор” танловида иштирок этиш истагини билдирди. Ҳозир “Ёш тадбиркор” консультатив маркази тренерлари уларга бизнес режа тузиш бўйича дастлабки маълумотлар бериб келмоқда.

Наргиза БАҲОДИРОВА



“Kamolot” loyihalari

ТАДБИРКОРЛИК ВА КАРЬЕРА

“Камолот” ёшлар ижтимоий ҳаракати Марказий Кенгашида “Камолот”да бизнес клуб” ва “Ёш тадбиркор консультатив маркази” ташкил этилди. Айти пайтда макур марказ ҳамда клуб томонидан ёшларнинг тадбиркорлик кўникмаларини шакллантириш, бизнес режа тузиш, юридик мақомини белгилаш бўйича турли семинар-тренинглр ўтказилмоқда. Уларга юқори малакали мутахассислар, бизнес тренерлар, ёш тадбиркорлар ва ҳамкор ташкилотлар вакиллари жалб этилган.

Тошкент шаҳридаги олий ва ўрта махсус таълим муассасаларининг иқтидорли, қобилиятли ёшлари “Камолот”да бизнес клуб”да ташкил этилаётган семинарларда фаол қатнашмоқда. Бугун уларнинг сони етмиш нафарга етди.

Яқинда клуб томонидан “Тадбиркорнинг бизнес психологияси” мавзуда тренинг ўтказилди. Унда тренер Азиз Аҳроров тадбиркорлик фаоли-



ятини бошлаш ниятидаги тенгдошларимиз учун психологик тайёргарлик жараёни ва босқичларини тушунтирди.

— Тадбиркор инсон руҳиятини яхши билиши керак, бу унинг фаолиятида муҳим роль ўйнайди, — дейди Азиз Аҳроров. — Бўлажак бизнесменларга “Бумеранг” методи ёрдамида тадбиркор психологиясидан билим беришга ҳаракат қиляпмиз.

Семинар-тренинг доирасида ёш тадбиркор Элдор Аҳмадов билан давра суҳбати ташкил этилди. Элдор тенгқурларини ўзининг тадбиркорлик фаолияти билан таништирди. Хунармандчилик буюмларини намойиш қилди. Сўнгра бизнесдаги муваффақиятининг сирлари, қандай қилиб ўз маҳсулотларини экспорт қилиш даражасига

етказгани борасидаги тажрибаларидан сўзлаб берди.

“Дилемма карьерами ёки тадбиркорлик?” мавзудаги тренинг Ҳаракатнинг Марказий Кенгашида бўлиб ўтди. Уни малакали бизнес тренера Алишер Исломов олиб борди.

“Камолот”да бизнес клуб” семинар-тренинглари ўзбек ва рус тилларида ўтказилмоқда. Ҳафтанинг пайшанба кунлари мутахассислар “Нотиқлик санъати”, “Тадбиркор психологияси”, “Менинг бизнесим — менинг келажагим” мавзуларида дарслар ўтмоқда. Тренингда қатнашишни хоҳловчилар учун Ҳаракатнинг эшиклари доимо очик.

Кумар БЕГНИЯЗОВА,
“Turkiston” мухбири

Озиқ-овқат етиштиришнинг инновацион усуллари

Хатирчи туманида қишлоқ хўжалиги соҳасида озиқ-овқат маҳсулотларини етиштиришнинг инновацион усуллари тарғиб этишга бағишланган семинар бўлиб ўтди.

Фермер хўжаликлари, мутасадди ташкилотлар вакиллари иштирокида ўтказилган семинарда соҳада эришилган муваффақиятлар эътироф этилди, келгуси режалар белгилаб олинди.

Тадбирда қатнашган республикамиздаги қишлоқ хўжалигига ихтисослашган олий ўқув юртлари, илмий тадқиқот марказлари мутахассислари соҳага татбиқ этилаётган янги техно-

логиялар, уларнинг афзаллиги борасидаги фикрлари билан ўртоқлашди.

Тадбир давомида тумандаги қишлоқ хўжалигига ихтисослашган касб-хунар коллежлари ўқувчиларининг соҳага оид кичик лойиҳалари кўргазмаси ҳам ташкил этилди.

Отабек АСЛОНОВ,
“Turkiston” мухбири

Jarayon

“Суғурта нима, суғурта маданияти-чи?”, “Унинг афзалликлари ҳақида нималар биласиз?” деган саволларга “Кафолат” давлат акциядорлик суғурта компанияси Тошкент шаҳар филиалида ташкил этилган “Суғурта тушунчаси ва унинг афзалликлари” мавзудаги семинарда батафсил маълумот берилди.

СУҒУРТА МАДАНИЯТИ

Аҳолига кўрсатилаётган суғурта хизматлари сифатини ошириш ҳамда аҳолининг суғуртавий ҳимоялаш доирасини кенгайтириш мақсадида “Кафолат” ДАСК Тошкент шаҳар филиали томонидан “Камолот” ЁИХ Тошкент шаҳар кенгаши билан ҳамкорликда “Суғурта болалар нигоҳида” расмлар танлови ташкил этилди.

Лойиҳа муаллифи Шерзод Исломов уч кунлик семинарда иштирокчиларнинг суғурта ҳақидаги билимларини замонавий интерфол ўйинлар орқали янада мустаҳкамлади.

Республикамизда суғурта тизимидаги ислохотларни жадаллаштириш, ривожланган суғурта инфратузилмасини яратиш борасида салмоқли қадамлар ташланмоқда. Суғурта фаолиятининг иқтисодий барқарорлигини таъминлаш, бозор муносабатлари шароитида уни тарғиб этиш муҳимлигини ҳисобга олиб, ҳукуматимиз мунтазам равишда суғурта секторини оммалаштиришни қўллаб-қувватламоқда.

Зарнигор АБДУМАЛИКОВА,
“Turkiston” мухбири

Ранг ва шакллар сеҳри

Алишер Навоий номидаги Самарқанд давлат университетидан “Ранг ва шакллар сеҳри” номли кўргазма намойиш этилди.

“Камолот” ёшлари ижтимоий ҳаракати университет бошланғич ташкилоти фаоллари, табиий фанлар ҳамда мусиқа, бадиий графика ва меҳнат таълими факультетларининг профессор-ўқитувчилари, талабалар фаоллиги билан ташкил этилган ушбу кўргазма икки йўналишда муҳлислар эътиборига ҳавола қилинди.

Дастлаб табиий фанлар факультетида мусиқа, бадиий графика ва меҳнат таълими факультети амалий санъат йўналиши талабаларининг карвинг санъатида доир амалий ишлари намойиш этилди.

Университетда карвинг санъати бўйича фаолият кўрсатаётган тўгаракнинг фаол аъзоси Нилуфар Ибрагимованинг таъкидлашича, у шу вақтга қадар турли хил озиқ-овқат маҳсулотлари ва

бошқа воситалар ёрдамида карвинг санъатининг ўндан ортиқ усуллари пухта ўрганган. Бу эса кўргазма доирасида тўгарак раҳбари Фарида Туробова томонидан ўтказилган маҳорат дарсларида яна бир қарра намоеён бўлди.

Кўргазманинг иккинчи қисми тасвирий санъатнинг манзара, портрет, натюрморт жанрлари, маиший тури, композиция, этюд, эскиз ва графика йўналишларига бағишланган. Унда мунтазам давом этиб келаётган “устоз-шогирдлик” аънанасининг Жамолидин Раҳматов ва унинг шогирди, иккинчи босқич талабаси Комрон Ҳамидуллаев сингари вакиллари, рассом, ўқитувчи ва талабаларнинг олтидан ортиқ асари экспозициядан жой олди.

Муниса ҒОФУРОВА

Ko'zgu

Таълимда ҳамкорлик самараси

Ажиниёз номидаги Нукус давлат педагогика институтида олий таълим тизимида халқаро алоқаларни ривожлантириш масалаларига бағишланган семинар ўтказилди.

Хорижий давлатлардаги олий ўқув юртлари билан тажриба алмашиш, ўзаро ҳамкорлик алоқаларини мустаҳкамлаш ва самарадорлигини ошириш мақсадида ташкил этилган ушбу семинарда “TEMPUS” ҳамда “Erasmus Mundus” лойиҳаларининг экспертлари, Бердақ номидаги Қорақалпоқ давлат университети ва бошқа олий ўқув

юртларининг профессор-ўқитувчилари ва талабалар иштирок этди.

Тадбирда турли мутахассислик ва таълим йўналишлари бўйича амалга ошириладиган грант лойиҳаларда иштирок этиш шартлари ва уларнинг имкониятлари хусусида батафсил маълумот берилди. Бундан ташқари, “Erasmus Plus”, “Joan Monett” сингари

лойиҳалар ва 2014—2020 йилларга мўлжалланган грантлар хусусидаги фикр-мулоҳазалар ўртага ташланди.

Мамлакатимизда чет тилларни ўрганиш тизими янада такомиллаштириш, таълим тизимига замонавий ахборот-коммуникация ва илғор педагогик технологияларнинг татбиқ этилаётгани ўсиб келаётган ёш авлодни етук инсонлар этиб вояга етказиш, давлатимизни жаҳон ҳамжамиятига янада интеграциялаштириш каби мақсадларга йўналтирилгани билан аҳамиятли. Жумла-

дан, Нукус давлат педагогика институтида ҳам нафақат филология, балки нофилологик йўналишда таҳсил олаётган талабалар, дарс бераётган профессор-ўқитувчилар Италия, Германия сингари мамлакатлардаги олий таълим муассасаларида малака ошираётгани бунга яққол мисолдир.

Талабалар учун алоҳида ташкил этилган мини-семинарда иқтидорли йигит-қизлар ўзларини қизиқтирган барча саволларига жавоб олди.

Чарос ТУРСУНОВА

Ma'rifat

Зарарли Ғояларга ўрин йўқ

Қўштепа туманидаги 17-мактабда «Ёшларнинг диний экстремизм ғоялари таъсирига тушиб қолишининг олдини олишда оила ва жамиятнинг ўрни» мавзуида давра суҳбати ташкил этилди.

«Камолот» ёшлар ижтимоий ҳаракати, ички ишлар, халқ таълими муассасалари фаолиятини методик таъминлаш ва ташкил этиш ҳамда маънавият тарғибот марказининг туман бўлимлари ҳамкорлигида ўтказилган тадбир қизғин мунозараларга

бой бўлди.

— Ўқувчилар томонидан берилаётган муаммоли саволлар кишини ўйлантириб қўяди, — дейди Ҳаракатнинг Қўштепа тумани кенгаши раиси ўринбосари Абдуҷамол Бобоҷонов. — Ёшларни қизғин муно-

зарага чорлай олдикми, демек, энг муҳим мавзудан сўз очдик. Бугунги учрашув кенг қамровли тадбиримизнинг бошланишидир.

Ташкилотчилар бу каби қизғин руҳда, баҳс-мунозарага бой тарзда ўтадиган учрашувларни туманнинг барча таълим масканларида ҳам ташкиллаштиришга келишиб олди.

Нодиржон ЮСУПОВ,
«Turkiston» мухбири

ЭЛ-ЮРТ МАНФААТИ — АСОСИЙ МЕЗОН

Мустақилликка эришганимиздан сўнг мамлакатимизда жаҳон андозаларига тўла мос миллий божхона хизмати шакллантирилди. Ҳозирда божхона хизмати мамлакатимиз иқтисодий барқарорлиги ва хавфсизлигига муносиб ҳисса қўшаётир ва мамлакатимизнинг иқтисодий суверенитетини ҳимоя қилувчи, мамлакатимиз ҳудудида самарали божхона назоратини таъминловчи, ички бозорни ҳимоя қилувчи асосий кучига айланди

Божхона тизими, аввало, иқтисодий барқарорлик ва хавфсизликка хизмат қилади. Муҳтарам Президентимизнинг 2011 йил 10 августдаги «Давлат божхона хизмати органларининг фаолиятини янада такомиллаштириш ва самарадорлигини ошириш чора-тадбирлари тўғрисида»ги қарори мамлакатимизда самарали божхона назоратини таъминлашни йўлга қўйишда муҳим аҳамият касб этмоқда. Бу эса, табиийки, товар айирбошлашни тартибга солиш, мамлакат ҳудудига сифатсиз ва ноқонуний товарлар кириб келиши-

нинг олдини олишда ҳал қилувчи аҳамиятга эга. Қолаверса, аҳоли саломамлигини муҳофаза қилиш ва маҳаллий ишлаб чиқарувчилар манфаатларини ҳимоялашда ҳам муҳим ўрин тутди. Шунинг учун ҳукуматимиз томонидан тизимни ислоҳ қилиш, кадрлар потенциалидан унумли фойдаланиш, божхона қонунчилиги ва структурасини такомиллаштириш, божхона назоратини ва контрабандага қарши курашни кучайтириш, фаолиятга ахборот-коммуникация технологияларини кенг жорий этишга алоҳида аҳамият берилмоқда.

Ҳар йили 26 январда дунё бўйлаб «Халқаро божхоначилар куни» нишонланади. Бу кун нафақат дунё давлатлари божхона хизматларининг ўзаро ҳамкорлигини намойиш этиш, балки иқтисодий ва ижтимоий тараққиётга эришишда божхонанинг муҳим иштирокига яна бир қарра кенг жамоатчилик эътиборини жалб қилиш имконини беради. Мазкур санани дунёдаги 800 минг нафардан зиёд божхоначи кенг нишонлайди. Улар орасида ўзбекистонлик божхоначилар ҳам бор.

Касб байрамлари арафасида республика божхона хизмати аънамага кўра ўтган йилдаги ўз иши яқунларини сарҳисоб қилди. Ўтган 2014 йил ҳам божхона соҳасида самарали бўлди. Божхоначиларимиз томонидан ҳуқуқни муҳофаза қилувчи бошқа органлар билан биргаликда 23 мингдан ортиқ қонунбузарликлар аниқланган бўлиб, ушбу

қонунбузарликлар доирасида умумий қиймати 155 миллиард сўмга тенг товар-моддий бойликлар ушлаб қолинган. Шунингдек, 2014 йилда давлат бюджетига 2013 йилга нисбатан 25,6 фоиз кўп божхона тўловлари ундирилди.

Албатта, божхоначиларимизнинг машаққатли хизмати Жаҳон божхона ташкилоти томонидан ҳам, республикамиз миқёсида ҳам муносиб эътироф этилмоқда. Жумладан, жорий йил 14 январь — Ватан ҳимоячилари куни муносабати билан Давлат божхона қўмитасининг Сурхондарё вилояти божхона бошқармаси «Болдир» темир йўл чегара божхона пости кичик инспектор-кинолог Отабек Назаров «Жасорат» медали билан, Навоий вилояти божхона бошқармаси контрабандага қарши курашиш бўлими муҳим ишлар бўйича катта тезкор вакили Жасурбек Халилов «Шухрат» медали билан тақдирланди.

Фарход АЛЛАМБЕРГЕНОВ,
Олий ҳарбий божхона институти тингловчиси

Tinchlik — ulug' ne'mat

Юртимизнинг тинчлиги ва осойишталигида ички ишлар идораларининг ўрни катта. Улар кечани кеча, кундузни кундуз демасдан ўз хизматларига сидқидилдан ёндашиб келмоқда.

Хусусан, тизимдаги ҳуқуқбузарликларнинг олдини олиш йўналишида фаолият олиб бораётган профилактика инспекторлари жойлардаги ўзини ўзи бошқариш органлари билан ҳамкорликдаги саъй-ҳаракатлари ўз самарасини бермоқда.

Осойишталик посбонлари

Республикамизда ўтказиб келинаётган «Намунали милиция таянч пункти» кўрик-танлови бу соҳага берилаётган алоҳида эътиборнинг ёрқин намунасидир. Танловнинг Жиззах вилояти босқичида нуфузли ҳакамлар ҳайъати иштирок этди, милиция таянч пунктлари ҳамда профилактика инспекторлари фаолиятини баҳолашда танлов низомида кўзда тутилган барча талабларга қатъий риоя қилинди. Шунга кўра халқаро талаб ва андозаларга мос келадиган ижтимоий муносабатларни шакллантириш, фуқароларнинг ҳуқуқий маданиятини юксалтириш, тинчлик, осойишталик, тотувлик ва барқарорликни мустаҳкамлаш, оилаларда маънавий-ахлоқий муҳитни шакллантириш, соғлом турмуш тарзини тарғиб этиш, турли салбий иллатларга қарши курашишда давлат ва жамоат ташкилотлари ҳамкорлигини мустаҳкамлаш борасида олиб борилаётган ишларига алоҳида эътибор берилди.

Пахтакор туманидаги «Буюк ипак йўли» қишлоқ фуқаролар йиғинига хизмат кўрсатувчи 116-милиция таянч пункти ва профилактика инспектори, катта лейтенант Маҳмуд Умиров олиб бораётган ишларни ҳакамлар ҳайъати биринчи ўринга лойиқ топди. Голиб танлов ташкилотчилари томонидан биринчи даражали диплом, компьютер жамланмаси ҳамда рангли телевизор билан тақдирланди. Иккинчи ўрин эса Зарбдор туманидаги «Янги кент» қишлоқ фуқаролар йиғинида жойлашган 99-милиция таянч пункти профилактика инспектори, катта сержант Жамшид Зиёевга насиб этди. Бахмал туманидаги Ўсман шаҳарчаси фуқаролар йиғинидаги 53-милиция таянч пункти профилактика инспектори, катта лейтенант Асрор Абдуллаев учинчи ўринга лойиқ топилди.

Мазкур танловнинг «Баркамол авлод етакчиси» номинациясида «Камолот» ЁИХ Зомин тумани кенгаши раиси Фанишер Саъдуллаев тенгсиз дея эътироф этилди. Шунингдек, танловда «Энг маҳоратли профилактика инспектори», «Ёш авлод ҳимоячиси», «Фидойи маҳалла посбони», «Энг обод ва осуда маҳалла раиси», «Адолатли яраштириш комиссияси», «Фаол маърифатпарвар маслаҳатчи», «Хотин-қизлар қўмитасининг энг фаол бошланғич ташкилоти вакили», «Энг фаол касаба уюшмаси етакчиси», «Энг фаол хотин-қизлар қўмитаси раиси» ва «Милиция таянч пунктлари инфратузилмасини такомиллаштириш бўйича энг фаол ҳоким» номинациялари бўйича ҳам голиблар аниқланиб, танлов ташкилотчилари томонидан қимматбаҳо совғалар билан тақдирланди.

Бундан ташқари, Сирдарё вилоятида ўтказилган танловда ҳам голиблар номи маълум бўлди. Вилоятдаги мавжуд 275та маҳаллада 103та милиция таянч пункти хизмат кўрсатмоқда. Эътиборлиси шундаки, 96та милиция таянч пункти маҳалла фуқаролар йиғинлари билан бир бинода жойлашган.

Намунали милиция таянч пунктларидан бири Ховос туманидаги «Фарҳод» маҳалла фуқаролар йиғинидаги 100-милиция таянч пунктидир. Ўтган йили маҳаллада ҳеч қандай ҳуқуқбузарлик содир этилмагани, бинонинг жиҳозланиши, атрофдаги инфратузилмаларга алоҳида эътибор берилгани, вояга етмаганларнинг бўш вақтларини самарали ўтказиши учун ўйингоҳлар, турли тўғарақлар, тикув-бичув цехлари каби маданий-маиший шохобчаларнинг ташкил этилгани танловнинг вилоят босқичида ушбу милиция таянч пункти голиб деб топилишига асос бўлди. Янгиер шаҳридаги «Бобур» маҳалла фуқаролар йиғинига хизмат кўрсатувчи 34-милиция таянч пункти иккинчи ўринга, Сирдарё тумани «Қуёш» маҳалла фуқаролар йиғини 20-милиция таянч пункти эса учинчи ўринга сазовор бўлди.

Шу билан бирга ҳайъат аъзолари томонидан Ховос тумани ИИБ профилактика инспектори, майор Дилшод Маҳмадқулов «Энг маҳоратли профилактика инспектори» ва Мирзаобод тумани ИИБ ҲООБ вояга етмаганлар ўртасида назоратсизлик ва ҳуқуқбузарликларнинг профилактикаси гуруҳи инспектори, лейтенант Мансур Байёшов «Ёш авлод ҳимоячиси» номинациялари голиби деб топилди. Шу куни бошқа номинацияларда ҳам голиблар аниқланиб, улар муносиб тақдирланди.

Голиб ва совриндорлар шу йил февраль ойи сўнгида ўтказиладиган республика танловида иштирок этади.

Улуғбек ТҲИМБОЕВ,
ИИБ Ҳуқуқбузарликларнинг олдини олиш бош бошқармаси матбуот котиби, подполковник

Либоснинг сози — ўзи мизга моси



(Давоми, бошланиши
1-саҳифада)

«Sharq liboslari» дизайн маркази модельер-дизайнерлари мамлакатимиз аҳолисининг миллий хусусияти ва менталитетига хос турли ассортиментдаги либослар тўпламларини яратди.

— Мутахассисларнинг аксарияти ёшлар, — дейди «Sharq liboslari» дизайн-маркази директори Шавкат Пирмухамедов. — Олдимиздаги асосий вазифа ички бозорни сифатли, кўпроқ маҳаллий хомашё, хусусан, миллий матолардан тайёрланадиган кийим-кечак маҳсулотлари билан таъминлашдан иборат. Бозор конъюктурасини, қолаверса, жаҳон мода оламидаги сўнгги тенденцияларни муттасил ўрганган ҳолда моделларга ўзгартириш ва янгиликлар киритамиз. Бу борада енгил саноат корхоналарига ҳам амалий ёрдам кўрсатилмоқда. Таъкидлаш керак, биз ишлаб чиқарувчиларга либос эскизларинигина эмас, балки уларни бевосита ишлаб чиқаришга татбиқ этиш имконини берувчи андозаларни ҳам тақдим этамиз. Бу билан конструкторлар шуғулланади. Яъни либос қандай бичилишидан тортиб тикилишию тайёр ҳолга келгунича бўлган бутун жараённинг техник параметрлари, мато ва бошқа материаллар сарфи аниқ ҳисоб-китоб қилиб берилди. Боз устига, ҳар бир либос аввал экспериментал тикув цехимизда тикиб кўрилади. Камчилик ёки нуқсонлари бўлса, бартараф этилади. Фақат шундан кейингина либослар тўпламини тугал яратиб бўлинган деб ҳисоблаш мумкин.

Марказ дизайнерларининг ижодий ишлари юртимиз подиумларида, турли фестивал ва танловлар доирасида ташкил этиладиган кўрикларда мунтазам намойиш қилинмоқда. Иқтидорли ёшлардан бир қанчаси шу кунгача Буюк Британия, Франция, Жанубий Кореяда ўқув курслари-



ни тамомлаб, малака оширди. Турли йилларда «Sharq liboslari» дизайн марказида Лондон мода коллежи, Милан политехника университети мутахассислари ҳам маҳорат дарсларини ўтган. Шавкат Пирмухамедов келгусида ҳамкорлик ришталари янада кенгайтирилишини таъкидлади. Шунингдек, яқин истиқболда модельерлик соҳасида ишлайдиган жаҳондаги етакчи марказлар билан алоқа ўрнатиш, уларнинг илгор тажрибасини ўрганиш ҳамда халқаро мода кўргазмаларида қатнашиш ҳам кўзда тутилган.

«Sharq liboslari» дизайн марказида шу кунгача ижод қилинган барча либослар бирдай аҳамиятли ва долзарбдир. Мухими, яратилаётган ҳар бир коллекция аҳолининг турли катламлари учун мўлжалланади. Дизайнерлар даставвал истеъмолчининг эҳтиёжларини обдан ўрганиб чиқади. Зеро, маҳсулот нафақат керакли, қулай ва замонавий, балки рақобатбардош, яъни харидорғир ҳам бўлиши бозор иқтисодиёти шароитида айна муддаодир. Шу боис либоснинг сифатини нархига алоҳида аҳамият қаратишга тўғри келмоқда.

Масалан, мамлакатимиз иқлим шароитида трикотаж маҳсулотларига доимо талаб катта. Уларнинг таннархи унча баланд эмас. Ахир, хомашё ўзиниқизи-да. Ўрни келганда, Ўзбекистон пахта етиштириш бўйи-

ча жаҳондаги етакчи мамлакатлар қаторида туришини эслатиш жоиз. Сўнгги йилларда республикамизда трикотаж корхоналарининг сони кескин ортгани ҳам бежиз эмас. Пахта толасидан тўқиладиган ҳар қандай мато экологик тоза, яъни саломатлик учун безарар ҳисобланади. Маҳаллий истеъмолчи бу сифатни ҳамisha қадрлайди. Хусусан, модельерларимиз ҳам.

Ўтган йили «Sharq liboslari» дизайн маркази тақдим этган болалар кийимлари тўплами мутахассисларда алоҳида қизиқиш уйғотди. Уни марказнинг дизайнерлар гуруҳи сардори Юлдуз Эрнарзорова яратган. Тўплагига кирган ўнлаб либос эскизлари орасида болалар спорт формасидан тортиб ёмғирли, салқин кунларда кийса бўладиган енгил куртқаларгача бор.

— Болалар модаси ҳар йили ўзгаради, — дейди Тошкент тўқимачилик ва енгил саноат институтининг собиқ талабаси Юлдуз Эрнарзорова. — Янги ранглар, фактура, фасон (либос бичимлари) урфга кириши мумкин. Лекин қаерда бўлмасин, болалар либоси табиий матодан тикилиши шарт. Тўплагига яратилган олдин болалар психологиясини яхшилаб ўргандим. Одатда либоснинг ранги табиат фаслларидан келиб чиқиб танланади. Иссиқ кунларда ёрқин, совуқ фаслларда босиқ ранглардан фойдаланган маъқул. Лекин болалар ҳамма вақт ёрқин рангларни хуш кўради. Бу уларнинг кайфияти ва ички оламига ҳамоҳанг. Кичкинтойлар учун либос эскизларини чизаётганда майда деталларни эътиборсиз қолдириб бўлмайди. Масалан, аксарият болалар, айниқса, ўғил болалар ёмғирли кунда соябон олиб юришни ёқтирмайди. Шу туфайли тўпلامимизда баҳор-куз мавсуми учун болалар устки кийимларининг барчаси капюшонли. Ички кийимларни эса тўлиқ пахта асосли матолар, асосан, трикотаждан тайёрлаш кўзда тутилди. Мазкур коллекция андозаларини юртимиздаги бир қанча трикотаж фабрикалари, ҳатто қўшма корхоналар сотиб олди.

«Sharq liboslari» дизайн марказида йилига тўрттадан либослар тўплами яратилади. Охириги ишлардан бири ёш дизайнер



Нодира Ерметованинг мактаб формалари тўплами алоҳида тўхталиш лозим. Ваҳоланки, ушбу мавзу ҳам маънавий-эстетик, ҳам иқтисодий жиҳатдан ўта муҳим аҳамият касб этади.

— М а к т а б формасига талаб ўсиб бормоқда, — дейди Нодира Ерметова. — Бундай

кийим-кечакларга доимо бироз консервативлик хос бўлган. Шунга қарамай, улар барибир замонга қараб ўзгариб туради. Мен мактаб формасига янги дизайнерлик ёндашувни татбиқ этишга уриндим. Тўплагига уч қисмдан иборат. Булар: бошланғич, ўрта ва юқори синфлар учун мўлжалланган мактаб формалари. Либослар йирик катакли, жун аралашмали матодан тикилади ва бир-биридан бичимига кўра фа-

ятдик, — дейди Юлдуз Эрнарзорова. — Таҳлил қилиб кўрсак, маҳаллий кийим-кечак бозорига ҳомиладор аёллар либосларига талаб ортган. Ўз навбатида, бугунги аёлларимиз либос бичимигагина эмас, мато ва дизайнига ҳам эътибор қаратяпти. Шунини ҳисобга олиб янги коллекциямиз улар учун қизиқарли жиҳатдан деб ўйладик. Тўплагига баҳор-куз мавсумига мўлжаллангани туфайли асосан ярим жундан тикилган трансформер кўйлак ва сарафанлардан ташкил топди. Аёллар бу либосларни ҳомила 4-9 ойга етгунча бемалол кийиб юрса бўлади.

Яқинда пойтахтимизда ўтқазилган миллий либослар намойишида «Sharq liboslari» дизайн маркази адресдан ишланган кечки либослар тўпламини жамоатчилик эътиборига ҳавола этди. Миллий матолар уйғунлигида замонавий моделлар яратиш марказ жамоасининг бу йилги ижодий режасида ҳам устувор аҳамият касб этади.

Ёш дизайнерлар билан суҳбат чоғида улардан бугунги ёшларнинг кийиниш маданияти ҳамда



рқланади. Бунда ўқувчиларнинг ёш психологиясини ҳисобга олдидим. Айтайлик, бошланғич синфда ўқийдиганлар ёш жиҳатдан ҳали бола. Шўхлиги бор, кўп ҳаракат қилади. Шу боис уларнинг мактаб формаси бироз кенгрок бичимда бўлгани маъқул. Безак элементларидан ҳам фойдаланиш мумкин. Қизларга у қадр узун бўлмаган сарафанлар таклиф қиляпмиз. Каттароқ ёшдаги қизлар учун кенг, лекин ўрта узунликдаги юбкалар танланди. Юқори синфлар учун бир неча вариантда костюм-юбка ва костюм-шим эскизларини яратдик. Экспериментал тикув цехимизда барча эскизлар тайёр маҳсулот кўринишига келтирилди. Тўплагига турли кўргазмаларда намойиш этдик. Айни вақтда мактаб формаларига буюртмалар портфели шакллантирилмоқда.

Ёш дизайнерлар жамоаси яқиндагина ниҳоясига етказган бошқа бир ижодий иш ҳам ўз харидорини тезда топишига шубҳа йўқ. Гап ҳомиладор аёллар учун мавсумий либослар тўплами ҳақида бормоқда.

— Уни бир неча ой давомида

сотувдаги ёшларбоп кийим-кечак маҳсулотларига ҳолис муносабат билдиришни сўрадик.

— Умуман олганда тенгдошларимиз кийим танлашни билади, — дейди Юлдуз Эрнарзорова. — Уларни дидсизликда айбололмайман. Аммо истисно ҳолатлар ҳам бор. Шундай мижозларга дуч келганмиз. Баъзан қизлар ҳаддан зиёд очик ёки ўта тор либос тикиб беришни сўрайди. Бу вазиятда уларга тўғри тушунча, йўналиш, керак бўлса, маслаҳат берамиз, албатта. Либос миллий ўзлгимизнинг бир қирраси. Қанчалик замонавийлашмайлик, кийиниш маданиятида барибир менталитетимизни сақлаб қолишга ҳаракат қилишимиз керак. Охириги пайтларда миллий матолар яна урфга киргани кишини қувонтиради. Бугунги кунда адресу шойидан кундалик либослар тикиб кийса бўлади. Бундай маҳсулотлар бозорларимизда ҳам кўпайса, нур устига нур.

Наргиза УМАРОВА,
«Turkiston» муҳбири.
Рустам Назарматов олган суратлар.



2015-yil — Keksalarni e'zozlash yili



ЮКСАК ЭЪТИБОРНИНГ ЁРҚИН ИФОДАСИ

Самарқанд шаҳридаги Ургути маҳалласида истиқомат қилаётган Аслам бобо Аҳмаджонов фарзандлари ва набиралари ардоғида кексалик гаштини сурмоқда.

Узоқ йиллар мусиқа таълимидан сабоқ берган Аслам бобонинг ҳаёти ёшлар учун ибрат мактабидир.

— Президентимиз ташаббуси билан 2015 йилнинг мамлакатимизда Кексаларни эъзозлаш йили деб эълон

қилиниши биз, нуронийларга кўрсатилаётган юксақ эътиборнинг яна бир ёрқин ифодаси бўлди, — дейди А.Аҳмаджонов. — Катта ҳаётий тажрибага эга кексалар ёшларни ватанпарварлик, меҳнатсеварлик ва миллий

қадриятларимизга ҳурмат руҳида тарбиялашга ҳисса қўшиши, жамоат ишларида фаол қатнашиши лозим. Мустақил Ватанимиз тараққиётига оз бўлса-да, ҳисса қўшаётганимиздан фахрланамиз.

СУРАТДА: Аслам Аҳмаджонов набиралари билан Регистон майдонида.

ЎЗА ФОТОМУХБИРИ АЛИШЕР ИСРОИЛОВ олган сурат.

ФАРЗАНДЛАРИМИЗНИ КИТОБГА ОШНО ҚИЛАЙЛИК!

Китоб бир неча минг йиллар аввал пайдо бўлган энг қадимий ва ноёб кашфиётлардан бири саналади. Қоғоз ихтиро қилинмасдан бурун кишилар ўз фикрларини тош, сопол, суяк ва бошқа воситаларга битганлар. Қоғознинг кашф этилиши китобат санъати тарихида янги даврни бошлаб берди.

Китоб ўқувчининг фикр доирасини кенгайтириб, унга маънавий-руҳий озуқа беради.

Муассасамиз қошидаги кутубхонада 1200га яқин адабиёт мавжуд. Шундан 520таси бадий, қолганлари ўқув методик қўлланма ва сиёсий адабиётлардир.

Ўтган йиллар мобайнида янги нашрдан чиққан китоб кўргазмалари, ўқув қўлланма ва бадий адабиётларни юритиш танловлари, маърифий тадбирлар мактабгача таълим муассасаси видеотекасидаги фильмлар намойиши, шунингдек, ижодкор болаларнинг таниқли шоир ва ёзувчилар билан учрашувлари ўтказилди.

Муассасамиздаги мавжуд ўнта гуруҳда 185 нафар бола бўлиб, 12 нафар малакали педагог-тарбиячи фаолият олиб боради. Бундан беш йил аввал гуруҳлараро кутубхоналар ташкил этиш ташаббуси билдирилган эди. Ҳозир-

да у яхши самара бермоқда. Ўрта ва катта гуруҳларда китоблар, расм ва фотосуратлар тўплаш ҳам намунали йўлга қўйилди. Болажонлар учун юртимизда етишиб чиққан таниқли инсонларнинг меҳнат фаолияти ва ҳаёти ҳақида мароқли суҳбатлар уюштирилади. Тажрибали педагогларимиздан Тожихол Холова ва Холида Усарова раҳбарлик қилаётган гуруҳ тарбияланувчилари ўтган ўқув йилида туман МТМлараро «Китоб марафони»да фаол иштирок этиб, фахрли ўринни эгаллади. Ҳозирда ҳар иккала гуруҳдаги кутубхонада юзга яқин бадий адабиёт жамланган. Уларнинг сони йилдан-йилга ошиб бормоқда.

Бугунги кунда бозор иқтисодиёти муносабатлари ва турли электрон оммавий ахборот воситалари китобхонни катта адабиётдан бироз узоқлаштирмоқда. Шундай вазиятда китоб улкан мўъжиза эканини болаларга ағлатиб, уларни ёшлигиданоқ китобга ошно қилиб боришимиз шарт. Негаки, кўп китоб ўқиган боланинг фикрлаш доираси кенг, зеҳни ўткир, ҳаётнинг баланд-пастиди ўзини йўқотиб қўймайдиган, оқил инсон бўлиб камол топиши турган гап. Шундай экан, ҳар биримиз, аввал, фарзандимиз, қолаверса, тарбияланувчи болажонларимиз қалбига китобхонлик чироғини ёқишга бирдек масъулмиз.

Жамила АБУЛҚОСИМОВА, Пахтакор туманидаги 10-мактабгача таълим муассасаси мудираси

Хазина

Алишер Навоий

Рубойилар

Бир айбон ҳарни халқ қилган мансуб,
 Дарн азидан узтирб эластури маҳсуб.
 Сидқ эрса, ҳуд этмак керак ўз феълини ҳўб,
 Қизб эрса, маюлат дақи бордур мат.уб.

Тар ошнқ эсанг, зебу тақал.суфни унут,
 Ўвшиқо ёмон ишда тақал.суфни унут,
 Ўтган ҳар эрур ёмон — таассуфни унут,
 Қолган ҳар эрур аҳши — тасарруфни унут.

Ома.и бор элиши, Навоё, шўрангиз,
 Ома.идақи э.и боштин-аёғ ранг.о.шиз,
 Чинқ устар э.иши сени ага.и Мисри сари,
 Борган.и, эрур э.и тилаган ерда ағиз.


«Тўққиз юз еттинчи (1501-1502) йил воқеалари»дан

Киш тасвири

Ушбу қиш аскарларимиздан баъзиси биз билан ҳарбий сафарларда юра олмай, Андижонга кетиш учун рухсат сўрадилар. Қосимбек тўлиб-тошиб: «Бу киши бораётган экан, Жаҳонгир мирзога ўз махсус кийимларингизни юборинг», — деди. Бир оқ кундуздан тикилган қалпоғимни юбордим. Қосимбек яна, Танбалга ҳам бир нима юборсангиз бўлмай-дими? — деб қизиктирди. Хохламасам-да, Қосимбекнинг қизиктириши туфайли Нўён кўкалдошнинг Самарқандда ўзи ясаган бир эгик ясси қиличи Танбалга юборилди. Менинг бошимга теккан қилич ушбу қиличнинг ўзи эди. Бу кейинги йил воқеаларида зикр этилади.

Бир неча кундан сўнг, мен Самарқанддан чиққанда қолиб кетган улуғ онам Эсон Давлатбегим, Самарқандда қолган кўч-уруғ оч ва озиб тўзган ҳолда келдилар. Ушбу қиш ўртасида Шайбонийхон музлаган Хўжанд сувини кечиб, Шоҳрухия ва Пискент атрофларига ҳужум қилди. Хабар келгач, кишимизнинг озлигига қарамай, тез отландик. Хўжанднинг куйисидаги кентлари, Ҳаштияк тўғриси билан йўлга тушдик. Совуқнинг зарби жуда кучли эди. Бу ерларда Ҳодарвеш шамоли тинмайди, ҳаммаша қаттиқ эсади. Шу даражада совуқ эдики, ўша икки-уч кун орасида икки-уч киши совуқнинг шиддатидан ўлган эди. Менда гуслга эҳтиёж бор эди. Ёқаларини қалин муз қоплаган, сувнинг тезлиги боис ўртаси музламаган бир ариқдаги сувга кириб гусл қилдим. Ўн олти мартаба сувга шўнғидим. Сувнинг совуқлиги хийла таъсир қилди.

(«Бобурнома»дан)



«Бошмоқ» сўзининг маъноси нима?

- Оёқ кийим — кигиз этик, пийма.
- Бош кийим — кўй юнғидан тўқиладиган қалпоқ.
- Қадимда чарм камар бошмоқ деб аталган.
- Ўққиз терисидан тикилган теллак.

Жавобингизни 30 январь соат 16:00га қадар 233-79-69, 233-95-97 рақамлари орқали билдиришингиз мумкин. Тўғри жавоб йўллаган мухлислар номи газетамизда эълон қилинади. Саволларга энг кўп тўғри жавоб топган муштарийлар йил якунида қимматбахона савгалар билан тақдирланади.

Ўтган сондаги саволнинг жавоби:

Абу Райҳон Бериунининг «Ҳиндистон» асаридан. Бекобод шаҳридан Гулрух Мамарасулова тўғри жавоб йўллади.

МУАССИС

«КАМОЛОТ»
 ЁШЛАР ИЖТИМОЙ ҲАРАКАТИ
 МАРКАЗИЙ КЕНГАШИ

Газета Ўзбекистон Республикаси Матбуот ва ахборот агентлигида 2007 йил 19 апрелда № 0242 рақам билан рўйхатдан ўтган.



БОШ МУҲАРРИР

Каримов
 Фахриддин Турдалиевич

Тахрир хайъати

Баҳодир Фаниев, Меҳриддин Шукуров (бош муҳаррир ўринбосари — «Turkiston»), Элмурод Нишоннов (масъул котиб — «Turkiston»), Ирина Кочергина (бош муҳаррир ўринбосари — «Молодёжь Узбекистана»), Елена Калинина (масъул котиб — «Молодёжь Узбекистана»), Рустам Қосимов

Навбатчи муҳаррир

Умарова
 Наргиза
 Баҳодировна

Саҳифаловчи

Рўзиев
 Зафар
 Хусанович

Газета таҳририят компьютер марказида терилди ва саҳифаланди.

Таҳририят манзили: 100029, Тошкент, Матбуотчилар кўчаси, 32.
 Телефонлар:
 (371) 233-95-97. (371) 233-79-69
 e-mail: info@turkiston.uz

«Шарқ» нашриёт-матбаа акциядорлик компанияси босмахонасида, А-3 форматда чоп этилди. Ҳажми — 2 босма табок. Корхона манзили: «Буёқ Турон» кўчаси, 41.

Индекслар: 203, 3203
 Баҳоиси қилишилган нархда.

Буюртма Г-156.
 Адади — 11167
 Босишга топшириш вақти — 21.00
 Топширилди — 22.10
 ЎЗА якуни — 20.40

Офсет усулида босилган.

1 2 3 4 5